

ծնողաց իմոց, հօրն իմոյ Դավաթի և մօրն իմոյ Մարիամին, և դանեակ սնուցիչ երկու բռն իմոյ Սառին, Յաւաքին ռդորմութեան. աղաչեմ կենաց: Շինեցաւ. սուրբ եկեղեցիս ձեռամբ Յակովբ վարդապետին. ի քվին :ՌՃԼԱ: (1682):

Հրատ. Զաւակեանց, 11, 262: Բարխուդարեանց, 73:

61. ՄԱՄԱՏԱԶՈՐ ԳՅՈՒՎ

601. Ս. ՄԻՆԱՍ ԵԿԵՂԵՑՈՒ ՄՈՒԼՔԻ ԲԱՐԱՎՈՐԻ ՎՐԱ.

քվին :ՌԾ: (1601):

Հրատ. Բարխուդարեանց, 72:

602. Ս. ՄԻՆԱՍ ԵԿԵՂԵՑՈՒ ԿՅՈՒՍԻՍԱՅԻՆ ԿԱՄԱՐԻ ՎՐԱ՝

Եւ Ագարիա արդաւ, Դաւիթ ԼԵԵԳ, ու շինող Եկեղեցոյ . . .

Հրատ. Բարխուդարեանց, 72:

603. Ս. ՄԻՆԱՍ ԵԿԵՂԵՑՈՒ ԿՅՈՒՍԻՍԱՅԻՆ ԿԱՄԱՐԻ ԱՅԼ ԵՐԵՍԻՆ՝

Խաչա Բաղդասարին Է. իւր կողակցին . . .

Հրատ. Բարխուդարեանց, 72:

62. ՏՈՒՄԻ ԳՅՈՒՎ

Դիւղից հարաւ, ձորակով անջատված հարթութեան վրա սփռված են հին հուշարձանների մնացորդներ: Համեմատաբար լավ է պահպանվել անտաշ քարերով շինված մի փոքր թաղակապ եկեղեցի, որը կոչվում է «Կարմիր եղցի»։ Եկեղեցու ծածկը և հարավային պատը փլված են. հնում նրա արեւմտյան պատուհանի միակտուր պսակի վրա եղել է :ՆԽԹ: Թվականի արձանագրություն: Պսակի այդ քարը կոտրված է երկու մասի, մենք գտանք դպրոցի միջանցքում կազմակերպված փոքրիկ թանգարանի հնագիտական ալլ իրերի կողքին, որոնք հավաքել էր ուսուցիչ Ամիրջանյանը: Այժմ այդ քարը տեղափոխված է Ստեփանակերտի Գալառագիտական թանգարան:

Եկեղեցու շրջապատը գերեզմանատուն է. հին ու նոր տապանաքարերի մեջ գտանք միայն մի փոքր և գեղաքանդակ խաչքար, որն ունի :ՌԿ: Թվականը:

Եկեղեցուց հարաւ, թմրերի վրա նշմարվում են շենքի հիմնապատերը, որը համաձայն ավանդության կոչվում է «Թագավորի պալատ»։ Սրանից քիչ հեռու, մի ալլ թմրի վրա մատուռի հիմնապատերն են, որոնց մոտ գտնվող մի մեծ և անարձանագիր տապանաքարը նույն ավանդության կոչվում է «Թագավորի գերեզման»։ Դիւղի և այս հնավայրի արանքում եղած աղբյուրը, որի վրա սրբատաշ քարերով ծածկ կա, կոչվում է «Թագավորի աղբյուր»։

Այս գիւղը եղել է Ապումուսէ իշխանի նստավայրը, որը պատերազմեց Բուղայի հետ՝ Գալա բերդում: Արձանագրության մեջ «Թագավոր» անվանված Գագիկը Ապումուսէի—Մուսէի ժառանգն է: Այսպիսով, իշխանական այս տոհմին է պատկանել Գտիչ բերդը IX դարում, որի մոտ գտնվում է Տումի դիւղը:

604. ԿԱՐՄԻՐ ԵՂԵՑՈՒ պատուհանի պսակի վրա, 5 առդ.

Կ ԻՆԽԹԹՎՄ ԵԻԻ

ԹԱԳԱՒՈՐՈՒԹԵԱՆՍՏՆԳԱԳԻԿԱՈՐԴՈ

ՄՈՒՍԵԻԵՍՍՈՓԻԴՈՒՍՏՐՄՈՒՍԵԻՇԻՆԵՅԻ

ՏՈՒՆԱՅԻՓՐԿՈՒ ԹԻՆՆՈՒԴԻՆԻՆԵԻ

ԾՆՈՂԱՅԻ

Ի :ՆԽԹ: (1000) ԹՎԼԻՆՂ ԱՍՅՈՑ,

ԵԻ ԻԹԱԳԱՒՈՐՈՒԹԵԱՆՍ ՏՆ.

ԳԱԳԻԿԱ. ՈՐԴՈՂ ՄՈՒՍԵԻ. ԵՍ


ՍՈՓԻ ԴՈՒՍՏՐ ՄՈՒՍԵԻ ՇԻՆԵՑԻՂ

ՏՈՒՆ ԱՅ. Ի ՓՐԿՈՒԹԻՆ ՀՈԳԻՈ

ԻՄՈ ԵԻ ԾՆՈՂԱՅ ԻՄՈՑ:

Հրատ. Բարխուդարեանց, 79— (ՍՈՓԻԻ փոխարեն ՈՍԿԻ),

605. ԽԱՉԳԱՐ, փոքր, գեղաքանգակ, դրված է նոր գերեզմանի վրա. Թևերի շուրջը:



ԹՎԻՆ՝ ՌԿ: (1611): ՄԵՐ ՈՇԱՆԵՍ. ՏՐ ՄԱՐԳԱՐԻ:

63. ՏՈՂ ԳՅՈՒՂ ԵՎ ՇՐՋԱԿԱՅՔ

Հին ու նշանավոր է այս գյուղը, որ գտնվում է հինավուրց Քթիշ լեռան արևելյան փե-
երին (լեռան գագաթին է Քթիշ բերդը), Գյուղն առավել անվանի դարձավ XVIII դարի սկզբը-
ներից, երբ այնտեղ հաստատվեց Մելիք Նզանը:

Գյուղում կան արձանագրություններ ունեցող հետևյալ հուշարձանները.

Ա. Ս. Ստեփաննոս եկեղեցի. գտնվում է գյուղի հյուսիսային եզրին՝ գերեզմանատան մեջ
Թաղածածկ փոքր շենք է, կառուցված ճեղքված քարերով: Անսովոր կերպով եկեղեցու մեջ
կանգնած է մի մուլթ, որը սրահը բաժանում է երկու մասի, ըստ որում հյուսիսային մասն
ավելի նեղ է: Այդ նեղ մասում հնում եղել են տապանաքարեր: Եկեղեցու շինությունն ժամա-
նակը հայտնի չէ, արևմտյան միակ մուտքի ճակատին դրված Մելիք Իսայու արձանագրու-
թյունը հաղորդում է 1747 թ. ծածկը նորոգելու մասին, բայց եկեղեցու պատերի մեջ ագուց-
ված բազմաթիվ հին բեկորների վրա կան ավելի հին թվականներ. ամենահինը՝ 1421-ից:

Բ. Գերեզմանատուն. Ս. Ստեփաննոս եկեղեցին շրջապատում է երեք կողմից, որի մեջ
ցաք ու ցրիվ ընկած են խաչքարերի բեկորներ, իսկ տապանաքարերի մեծ մասը անգիր է.
մի քանիսի վրա կան կենցաղային քանդակներ:

Գ. Անապատ. գտնվում է Ս. Ստեփաննոսից մոտ 150 մետր արևմուտք, թեք լանջի վրա.
փոքր Թաղածածկ շենք է, այժմ կիսավեր, շրջապատում կան խուցերի ավերակներ, այստեղ
միայն մի արձանագրություն է եղել նախկինում, որից կարելի է կռահել, որ եկեղեցին կոչ-
վել է ս. Վարդան: Անցյալում եղել է կույսերի անապատ, որը հաստատվում է նաև № 643
արձանագրությամբ:

Դ. Մելիք Նզանի ապարանք. գտնվում է գյուղի կենտրոնում, հնում ունեցել է բրգավոր
շրջապարիսպ, որը մասամբ է պահպանված՝ դարպասի հետ միասին: Շինված է սրբատաշ
քարով, երկհարկանի է, ներքին հարկը քարածածկ. վերին հարկն ունի պատշգամբներ:

Գյուղը այժմ էլ շեն է և բնակելի: Ապարանքի ներքին հարկի գեղեցիկ ձևավորված
մուտքի շուրջը փորագրված է Մելիք Նզանի ընդարձակ հիշատակագրությունը, տեղական բար-
բառով և բովանդակալից:

Ե. Ս. Հովհաննես եկեղեցի. գտնվում է գյուղի մեջ, բարձրադիր Թաղում. շինված է սրբա-
տաշ քարերով, չորս սյուների վրա և Թաղածածկ շենք է. շինված է համարվում Մելիք Նզանի
կողմից, բայց հավանաբար հնի տեղում: Եղել է Մելիք Նզանյանների տոհմական տապանա-
տունը: Եկեղեցին բաց անելու և արձանագրություններն ստուգելու հնարավորություն չունեցանք,
առնում ենք նախորդ հրատարակություններից:

Զ. Անհայտ հուշարձան. Տող գյուղից Ֆիզուլի քաղաքը (Կաբլագինո) տանող ճանապար-
հի ձախ եզրին բարձրացող բլրի գլխի հուշարձան:

Ժողովածուի մեջ գյուղի և շրջակայքի հուշարձաններից հավաքված են 36 արձանագրու-
թյուն, որոնցից 27-ը հրատարակում ենք առաջին անգամ:

Որպես հավելված բերում ենք նաև մասունքների վրա եղած արձանագրությունները:

Ս. Ստեփաննոս

Եկեղեցու շինությունն և նորոգումների ժամանակ, նույնպես և հետագայում՝ պատերի մեջ
ագուցված ևն հին խաչքարեր և տապանաքարեր՝ մասն հիշատակագրություններով. այդպի-